



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka ("Službeni glasnik BiH" broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka ("Službeni glasnik BiH" broj: 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU KONGRESNE NARODNE STRANKE ZAŠTITE PRAVA BORACA I GRAĐANA – PRAVDE I MORALA BIH

Broj: 03-07-6-347/12
Sarajevo, 24. oktobar 2012. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI	5

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Kongresne narodne stranke zaštite prava boraca i građana – pravde i morala BiH za 2011. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled kako bismo dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda, odnosno kontrole godišnjeg finansijskog izvještaja Kongresne narodne stranke zaštite prava boraca i građana – pravde i morala BiH za 2011. godinu, nismo zapazili ništa značajno što bi ukazalo na nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Kongresne narodne stranke zaštite prava boraca i građana – pravde i morala BiH za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2011. godinu Kongresna narodna stranka zaštite prava boraca i građana – pravde i morala BiH nije iskazala nikakav prihod, što se vidi iz naredne tabele:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	Ukupni prihodi:	0,00	0,00%

Prema podacima iz godišnjeg finansijskog izvještaja, Kongresna narodna stranka zaštite prava boraca i građana – pravde i morala BiH u 2011. godini nije imala rashoda.

2. PREDSTAVLJANJE POLITIČKE STRANKE

Naziv političke stranke: Kongresna narodna stranka zaštite boraca i građana – pravde i morala BiH. Skraćeni naziv: KNS BiH.

Stranka je registrovana 05.01.1998. godine kod Kantonalnog suda u Sarajevu i u sudski registar upisana pod brojem: R-I-5/97.

Prema podacima iz Rješenja o upisu u sudski registar sjedište političke stranke je u Hrasnici, ul. Suvada Džulimana br. 34, dok je u finansijskom izvještaju stranka navela da je sjedište za administrativno-operativne poslove u Tuzli, Donje brdo 6.

Lice ovlašteno za zastupanje stranke je Enver Imširović-MUNJA, predsjednik stranke.

Lice ovlašteno za podnošenje finansijskih izvještaja za 2011 godinu je Zlatija Šabanović.

Prema podacima iz godišnjeg finansijskog izvještaja za 2010. godinu, Kongresna narodna stranka zaštite boraca i građana – pravde i morala BiH nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Kongresne narodne stranke zaštite boraca i građana – pravde i morala BiH za 2011. godinu.

Cilj pregleda i kontrole je da revizor na bazi finansijskog izvještaja pokuša ustanoviti da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju, da bi mogao izraziti mišljenje o tome da li se stranka finansirala u skladu sa ovim Zakonom.

Obim pregleda i kontrole finansijskih izvještaja Kongresne narodne stranke zaštite boraca i građana – pravde i morala BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju, sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U periodu od 2005. do 2009. godine izvršeni su pregledi godišnjih finansijskih izvještaja Kongresne narodne stranke zaštite boraca i građana – pravde i morala BiH, nakon kojih su izdati izvještaji sa nalazima revizije, mišljenjem revizora i preporukama političkoj stranci.

Pregledom godišnjeg finansijskog izvještaja za 2010. godinu, nije utvrđeno ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

5. NALAZI REVIZIJE

Na osnovu našeg pregleda, odnosno kontrole godišnjeg finansijskog izvještaja za 2011. godinu, nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

Uvidom u Izvještaj o transakcijskim računima iz Jedinog registra Centralne banke Bosne i Hercegovine, utvrđeno je da je transakcijski račun Kongresne narodne stranke zaštite boraca i građana – pravde i morala BiH blokiran 23.02.2010. godine, te prema tome stranka nije ostvarila nikakve finansijske transakcije. U finansijskom izvještaju za 2011. godinu nisu iskazani prihodi i rashodi, niti bilo koji drugi podatak, koji ukazuje na finansijske aktivnosti političke stranke.

KOMENTAR:

U ostavljenom roku, Kongresna narodna stranka zaštite boraca i građana – pravde i morala BiH nije dostavila primjedbe na Preliminarni izvještaj o pregledu godišnjeg finansijskog izvještaja za 2011. godinu.

Mr. Hasida Gušić, šef Službe za reviziju - revizor